

#RSABUDGET2026

Kgatiso e kopanetsweng ke Lefapha la Matlotlo la Naha le la Ditshebeletso tsa Lekgetho (SARS)

#RSA Budget

#RSABudget2026

E HATISITSWE KE



national treasury
Department:
National Treasury
REPUBLIC OF SOUTH AFRICA

Tel: (012) 315 5100

Media@treasury.gov.za

www.treasury.gov.za

TLHAHISOLESING

BAJETE
KE ENG?

BAJETE
E ETSWA
JWANG?

Pele selemo se setjha sa ditjhelete se qala, Letona la Ditjhelete le teka bajete ya naha, le phatlalatse tshebediso ya ditjhelete, lekgetho le merero ya kadimo ya ditjhelete ya dilemo tse tharo tse tlang. Bajete e aba tjhelete pakeng tsa mafapha a naha, diprofense le dimasepala.

1. Mafapha a phatlalatsa boitsebiso bo hlokalang ba bajete
2. A thathamisa mananeo a ona, merero ya ditjhelete le ya ho fana ka ditshebeletso
3. Ditshisinyo di romelwa ho Lefapha la Matlotlo ho sekasekwa
4. Ditshisinyo di nahanelwa ke dikomiti tse ikgethang tsa Molaodi-Kakaretso
5. Dikgothaletso di fuwe Komiti ya Letona
6. Puo ya Nako e Mahareng ya Bajete e supa ho qetwa ha Bajete
7. Kabo ya moshwelella e etswa ke Kabinete
8. Ho hlophiswe ditokomane tsa Bajete
9. Bajete ya tekwa
10. Tshekatsheko le kamohelo ka Palamente
11. Bajete e romelwa ho Mopresidente ho tekenelwa hoba molaong



HO ETSA DIQETO TSE BOIMA HO SE HO TLISA MAPHOMELA A MATLE MORUONG

Bajete ya 2026 e supa hore diqeto tse boima tse entsweng ke puso dilemong tse mmalwa tse fetileng, di se di tlisa maphomela a matle. Esita le maemong a thata a moruo wa lefatshe, moruo o lutse o tsitsitse, ho bonahala ho na le menyetla e itekanetseng ya ho na molemo le potlakisa matsete.

Mmuso o ikemiseditse ho sebedisa ditjhelete tsa setjhaba hamolemo. Sekoloto sa mmuso se lebelletswa ho fihla sehlohlolong selemong sena sa ditjhelete mme se tla fokotseha dilemong tse mmalwa

tse tlang. Ena ke phetoho ya bohlokwa, hobane ha sekoloto se fokotseha le ditshenyehelo tsa ditshebeletso tsa dikoloto di a fokotseha mme sena se tlisa lekeno. Ditshenyehelo tse tlase le ntlafalo ya ifleishene ka mora qeto ya ho iphelela pakane ya hore infleishene ebe 3%, di tla matlafatsa matsete a poraefete le theho ya mesebetsi.

Dilemong tse tharo tse tlang, mmuso o tiisitse leano la ditjhelete ka masalla a bajete. Tswelopele e tjena, e tla tsitsisa sekoloto sa mmuso. Kaha mmuso o ntse o lebelletse ho finyella merero ya yona ya bajete nakong e

mahareng, R20 bilione ya keketseho ya lekgetho e neng e phatlalaltswe Bajeteng ya 2026 e hlakotswe.

Ho ne ho hakantswe hore moruo o hole ka 1.4% ka 2025, e leng nyoloho ya 0.5% ka 2024. Kaha ho bile le kgolo e ntle ya moruo dikotareng tse nne ka ho latelana, ho na le tshepo ya hore moruo o tla tswelapele o hola. Motlakase o ka tshepuwang, tsamaiso ya thepa e ntlafaditsweng, tshebediso e molemo ya ditjhelete le ditjeho tse fatshe tsa dikadimo di fana ka tshepo ya bokamoso bo botle.

Leha moruo o le matla,

Afrika Borwa e lokela ho thusana le dikgwebo tsa selehae ho hodisa moruo. Ho lokisa dintho, mmuso o tsepamisitse maikutlo ho etsa hore dikhamphani tsa puso le bomasepala di sebetse hamolemo. Bohloki ba mesebetsi e ntse e le phepetso e kgolo ho maAfrika Borwa ohle mme mehato eo mmuso o e nkang ka Bajete ya 2026 e tla thusa ho qala ho theha mesebetsi. Molaetsa wa Bajete ya 2026 o hlakile: Motheo o ntse o matlafala. Ka ho kgomarela moralo ona, mmuso o tla matlafatsa moruo bakeng sa maAfrika Borwa ohle.

HO FOKOTSA DITJEHO TSA DIKADIMO TSA PUSO

Ha tshebediso ya ditjhelete e feta tjhelete e kenang, mmuso o ba le kgaello mme o lokela ho adima ho kwahela phapang ena. Tswala ya sekoloto sa mmuso e hodile ka potlako ho feta moruo mme e nka karolo e kgolo ya bajete ho feta thuto ya motheo, bophelo bo botle kapa tshireletso ya setjhaba.

Mmuso o nkile mehato ho netefatsa hore dikoloto di a laoleha. Sekoloto sa naha se tla fihla sehlohlolong ebe se qala ho theoha. Kgaello e kgolo ya bajete ke R12.4 bilione mme e ka tlase ho latela tebelo ya nakong ya Bajete ya 2025 ka lebaka la tshebediso e molemo ya ditjhelete dikgweding tse 10 tsa pele tsa 2025/26.

Lekgetlo la pele dilemong tsena tse leshome, ditshenyehelo tsa ditshebeletso tsa mekoloto di tla hola butle ho feta ditshenyehelo ka



kakaretso. Dilemong tse tharo tse tlang, pusetso ya sekoloto le tswala ya yona e lebelletswe ho ba R21 bilione ho feta e hakantsweng Setatementeng sa Leano la Tekanyetso ya Nako e Bohareng (MTBPS) sa 2025.

Mmuso o ntse o shebana le mekgwa ya ho qoba ho ipoelletsa kokello e potlakileng ya dikoloto e etsahetseng ka mora 2009 mme e tla sisinya diphetoho molaong ho etsa hore sena se kgonehe. Kaha moruo wa Afrika Borwa o ntse o hola le theko ya thepa e nyoloha ka sekgahla se tlase, maemo a naha a ntse e ntlafala,

mme sena se ntlafatsa ditekanyetso tsa mekitlane mme se theole diitshenyehelo tsa ho alima. Mmuso o se o kgona ho sebedisa ditjhelete hantle ka ho tswelang pele ka phano ya ditshebeletso tsa setjhaba tse kang bophelo bo botle, thuto, metsi, bodulo le ditokelo tse ding tumellanong le Molaotheo. Ntle le ho tsitsisa kapa ho theoha ha maemo a dikoloto, ditshenyehelo tsa ditshebeletso tsa dikoloto di ne di tla tswelapele ho nka karolo e kgolwanyane ya disebediswa tse teng, ho sitisa matsete le bokgoni ba tlhahiso le maemo a bophelo.

DINTLHAKGOLO TSA BAJETE YA 2026

1. Mokotla wa ditshebeletso tsa setjhaba – o akaretsa thuto, ntshetsopele ya bokgoni, khiri ya setjhaba, phano ya matlo, dipalangwa, ditshebeletso tsa motheo tsa mahala, le bophelo bo botle - karolelano ya 60% ya tjhelete e sebediswang ntle le tswala nakong e mahareng.
2. Ntlafatso ya moruo e ntseng e hola ka karolelano ya 5.8% ka selemo, e susumetswang ke diprojeke tsa meralomotho.
3. Ka 2025/26, sekoloto sa mmuso se tla tsitsisa ho diperesente tse 78.9 tsa GDP.
4. Ho hakanngwa 1.6% bakeng sa kgolo ya nnete ya GDP selemong sa 2026, e nyolohe ka 2% ka 2028.
5. R4.1 bilione e se e abetswe Lenaneo la Moporesidente la Khiri ka 2026/27.
6. R20 bilione ya keketso ya lekgetho e neng e boletswe Bajeteng ya 2026 e hlakotswe

Sheba leqephe le latelang →

DIPHETOHO TSE TLA ETSA HORE DIPROFENSE LE DIMASEPALA DI SEBETSE BETERE



Bajete ya 2026 e phatlalatsa diphetoho tsa bohlokwa bakeng sa ho ntlafatsa tshebetso le tsamaiso ya ditjhelete ya diprofense le bomasepala. Sepheo ke ho etsa bonnete ba hore tjhelete e sebediswa ka nepo ho fana ka ditshebeletso setjhabeng.

Bomasepala ba bangata ba a sokola, mme ha se kamehla tjhelete e finyellang ditshebeletso tsa hao.

Ho lokisa taba ena, mmuso o nka mehato e tobileng. Diperesente tse 63 (162) tsa bomasepala di mathateng a ditjhelete, mme diprofinse tse ngata di sokola ho leka-lekanya ditshenyehelo tsa ditlhapiso le tsa phano ya ditshebeletso. Mmuso wa naha jwale ha o sa lebel a fela empa o kenella ka ho toba.

Ho bomasepala phetoho ena e kenelletsa diphetoho tsa melao le ditlhopiso tsa puso. Ho diprofense, puso e tiisa letsoho ho tsa khiri le meputso. Mehato ena e kenelletsa hore ditshebeletso tsa puso di laolwe nqa e le nngwe tse kang ditshebeletso tsa basebetsi ba mmuso, lenane la meputso le tsamaiso, ho etsa netefatso ya basebetsi le ho etsa hore matlotlo a diprofinse le diofisi tsa ditonakgolo di tsamaise ho thaota basebetsi ka metjha e nepahetseng le ho latela tjhelete e fumanehang. Dintlafatso tsena di etsa hore tsamaiso ya mmuso e be le bokgoni, e etse dintho hantle le ka tsela e tlisang maphomela ho faneng ka ditshebeletso tse betere

HO TLOSA DITHIBELO TSE SITISANG THEHO YA MESEBETSI LE KGOLO YA MORUO

Kgolo ya moruo le theho ya mesebetsi e hloka motlakase o tshepahalang, diporo le dikou tse sebetsang hantle le phephelo e tsitsitseng ya metsi.

Dibajete tsa moraorao di hlakisitse kgatelopele mabapi le diphetoho

tse eneji, tsa tsamaiso ya thepa le tsepamiso e ntjha ya tshireletso ya metsi le meralotho. Loadshedding e bile siyo boholo ba nako, diterene le boema-kepe di tsitsitse.


Kgolo ya Afrika Borwa e boetse e itshetlehile ka ho bulela thepa e

tsamaiswa ka diterene le dikepe.

Tshireletseho ya metsi le yona ke taba e ka sehloohong. Ho hloka hloka tlhokomelo le ntlafatso ya meralotho ya metsi ya kgale, ho ntlafatsa taolo ya diboto tsa metsi le ho atolosa phephelo.




1 MEHLODI YA LEKENO LA TJHELETE YA MMUSO KA 2026/27



R 2 160.3bn	80.9%	LEKGETHO
R 324.3bn	12.2%	HO ADIMA
R 185.1bn	6.9%	MEHLODI E MENG NTLE HO LEKGETHO

2 TSHEBEDISO YA TJHELETE YA MMUSO KA 2026/27



R 446.6bn	16.7%	NTSHETSOPELE YA DITSHEBELETSA TSA SETJHABA
R 432.4bn	16.2%	DITSHEBELETSA TSA HO LAOLA MEKOLOTO
R 358.6bn	13.4%	THUTO YA MOTHEO
R 294.3bn	11.0%	NTSHETSOPELE YA SETJHABA
R 310.4bn	11.6%	BOPHELO BO BOTLE
R 283.9bn	10.6%	HO MATLAFATSA MORUO
R 274.6bn	10.3%	KGOTSO LE TSHIRELETSA
R 155.8bn	5.8%	KWETLISO LE THUTO YA KA MORA SEKOLO

3 DIGRANTE TSA SETJHABA


	2025/26	2026/27
GRANTE YA MAQHEKU	R2 315	R2 400
GRANTE YA BAHALE BA NTWA	R2 335	R2 420
GRANTE YA BAQHWADILENG	R2 315	R2 400
GRANTE YA KGODISO YA NGWANA EO E SENG WA MADI	R1 250	R1 295
GRANTE YA BANA BA QHWADILENG	R2 315	R2 400
GRANTE YA KGODISO YA BANA	R560	R580
GRANTE YA HO HLOKOMELA BA SA KGONENG HO ITLHOKOMELA	R560	R580



18 milione batho ba tla fumana digrante ka Hlakubele 2029

Bajete e tla eketsa boleng ba digrante ho phahamela infleishene.

4 BAJETE E TSHEHETSA KGOLO YA MORUO, HO THEHA MESEBETSI LE NTSHETSOPELE YA SETJHABA




1.6 diperesente kgolo ya nnete ya GDP e lebelletsweng ka 2026



60 diperesente ya tjhelete ya mmuso e ya ntshetsongpele ya setjhaba, khirong, bophelo bo botle, thuto le tshireletso ya setjhaba nakong e mahareng.



R4.1 bilione kabo e eketsehile bakeng sa Lenaneo la Mopresidente la Khiri.



R930 bilione e abetswe ditshebetso tsa motheo, matlo le dipalanngwa tsa setjhaba, ho ntlafatsa bodulo le ditoropo dilemong tse tharo tse tlang.



R893.6 bilione bakeng sa tlhahiso, dikgwebo tse nyane le mananeo a mesebetsi ya setjhaba nakong ya dilemo tse tharo tse tlang e le ho hlasimolla kgolo ya moruo le theho ya mesebetsi.

5 LEANO LA NAHA LA THUSO YA DITJHELETE HO BAITHUTI (NFSAS)




R54.3 bilione

R54.3 bilione e tla sebediswa bakeng sa Leano la Naha la Thuso ya Ditjhelete ho Baituthi ka 2026/27

6

DITSHENYHELO TSA DITSHEBELETSA TSA MEKOLOTO E LE KAROLO YA LEKENO



DITSHISINYO TSA LEKGETHO TSA 2026



LEKGETHO LA LEKENO LA MOTHO

DITEFISO TSA LEKGETHO LA LEKENO LA MOTHO DI O AMA JWANG?

Masakana a lekgetho la motho ka mong le ditheolelo di lokiswa molemong wa infleishene. Tjhelete eo motho a lokelang ho e amohela pele ho hlokahala a lefe lekgetho bakeng sa selemo sa lekgetho ho tloha ka la 1 Hlakubele 2026 ho isa ho la 28 Hlakola 2027 ke e latelang:

SELEKANYETSO SA LEKGETHO	SELEMO SA LEKGETHO: 2026/2027
Ka tlase ho dilemo tse 65	R99 000
Dilemo 65 - 74	R153 250
Dilemo 75 le ho feta	R171 300

Ditheolelo tsa lekgetho bakeng sa balefalekgetho ka bomong ke tse latelang:

DITHEOLELO TSA LEKGETHO	SELEMO SA LEKGETHO: 2026/27
Ba ka sehloohong (batho bohle)	R17 820
Ba mahareng (dilemo tse 65 le ho feta)	R9 765
Mekaubere (dilemo tse 75 le ho feta)	R3 249

LEKGETHO LA JWALA LE KWAE

DINYOLLELO LEKGETHONG LA JWALA LE KWAE

Ditefiso tse ikgethileng tsa dino tse tahang di eketsehile ka diperesente tse 3.4 ho tloha ka la 25 Hlakola 2025.

	KUNYUKA NGO:
Biri ya mmela	8c bakeng sa lekotikoti la 340ml
Veine e sa tswakwang	15c bakeng sa botlolo ya 750ml
Veine e tswakilweng	26c bakeng sa botlolo ya 750ml
Veine e tshikgunyang	49c bakeng sa botlolo ya 750ml
Disaeda le jwala ba ditholwana	8c bakeng sa lekotikoti la 340m
Disepiriti	R3.20 bakeng sa botlolo ya 750ml
Disakarete	77c bakeng sa pakete e nang le di kwae tse 20
Dithupa tsa kwae tse futhumatswang	58c bakeng sa pakete e nang le di kwae tse 20
Kwae (Cigarette tobacco)	87c bakeng sa 50g
Kwae e tsubuwang ka dipeipi	28c bakeng sa 25g
Disikara	R4.56 bakeng sa 23g
Disebediswa tsa elektronike tse sebedisang le tse sa sebediseng nikhothini	11c bakeng sa ml



DITEFELLO TSA LEKGETHO

LEKGETHO LA LEKENO: LA MOTHO KA MONG

Lekgetho le lefuwang ke batho ka bomong bakeng sa selemo sa lekgetho se qetellang dipakeng tsa 1 Hlakubele 2026 le 28 Hlakola 2027.

Lekeno (R)	Ditefello tsa Lekgetho (R)
R0 - R245 100	18% ya lekeno
R245 101 - R383 100	R44 118 + 26% ya lekeno le fetang R245 100
R383 101 - R530 200	R79 998 + 31% ya lekeno le fetang R383 100
R530 201 - R695 800	R125 599 + 36% ya lekeno le fetang R530 200
R695 801 - R887 000	R185 215 + 39% ya lekeno le fetang R695 800
R887 001 - R1 878 600	R259 783 + 41% ya lekeno le fetang R887 000
R1 878 601 ho ya hodimo	R666 339 + 45% ya lekeno le fetang R1 878 600

Mohlodi: Lefapha la Matlotlo la Naha

MEEDI YA LEKGETHO


Meedi e itseng ya lekgetho e fetotswe ho tloha ka la 1 Hlakubele 2026.

	Moedi wa kgale	Moedi o motjha
Monehelo wa selemo le selemo wa letsete le sa lefeng lekgetho	R36 000	R46 000
Phokotso ya selemo le selemo bakeng sa monehelo wa letlole la ho tlohela mosebetsi	R350 000	R430 000
Ho behelwa ka thoko ka selemo ho phaello kapa tahlehelo	R40 000	R50 000
Ho behelwa ka thoko ho melemo kapa tahlehelo ka lefu	R300 000	R440 000
Ho se kenyeletswe phaello ya tjhelete kapa tahlehelo ya ho tlohela sebaka sa bodulo sa mantlha	R2 000 000	R3 000 000
Lekgetho la dikgwebo tse nyane	R1 000 000	R2 300 000
Moedi o tlamang wa ngodiso ya VAT*	R1 000 000	R2 300 000

* Phetoho ya moedi wa ngodiso ya VAT e tla qala ho sebetso ka la 1 Mmesa 2026

Mohlodi: Lefapha la Matlotlo la Naha

Scan this QR code
for the PDF version of
this People's Guide
to the Budget.



**MAIKUTLO
A HAO A BOHLOKWA**

NA O FUMANE TATAISO ENA YA BATHO MABAPI LE BAJETE E LE MOLEMO?
Re dula re batla ditsela tse ntjha tsa ho ntlafatsa tataiso ena mme re ka thabela ha o ka romela maikutlo le ditshisinyo tsa hao ho Media@treasury.gov.za